

Decembris anni milésimi octingentesimi octogésimi séptimi: dies memoranda certe in ea quippe sacrosanta Mater Ecclesia gaudio superabundans Domini Sancti Josephi cum Beatissima Virgine Maria Sacram Desponsationem commemorat. Amen.

Nos hæc sublimia, &c.

R Deo gratias.

R Credo unam, Sanctam, Catholicam et Apostolicam Ecclesiam.*Portæ inferi non praevalent adversus eam, quia omnes heretici impugnare possunt, expugnare tamen non possunt. ¶ Si quis Ecclesiam quae est Una, Sancta, Catholica, Apostolica atque Romana, non audierit, sit tibi sicut ethnicus et publicanus. Amen, amen, amen. Portæ.

MES DE FEBRERO.

—DIA 1°—

LECTIO I.

—EX PATRIBUS.—

Latuit Principem hujus mundi Virginitas Mariae, et partus ipsius, et similiter mors Domini.—*Ign.*—Jesus, Josephi fabri lignari: et cum Jesus in hominibus esset faciebat opera, scilicet, aratra et juga.—*Just.*—Joseph cum cogitaret absconse dimittere Mariam, angelus in somnis dixit ad eum: ne timeas Mariam assumere conjugem tuam.—*Iren.*—Josepho parentis honore coluit Christus.... et quaerens Jesum cum Josepho, illum reperias.—*Orig.*—Obsignatus est liber omnino Immaculata Virgo.... et datur fabro Josepho.—*Greg. Neo.*—Novit Jo-

seph Beatam Virginem, quoque ejus virtus et potestas, et quid Deus ei facere dignatus est: et quia de ipsa scripsisse Isaias: Ecce Virgo concipiet, et pariet Filium et vocabitur nomen ejus Emmanuel.—*Atan.*—Verum typica ratio servata est. Joseph enim apostolorum habet speciem, quibus Christus circumferendus est creditus.

Nos hæc sublimia mysteria mirantes, et ut finem huic divinæ lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis: esto mecum in ultimo agone; et cum pace et vobiscum spiritet anima mea:

R Deo gratias.

R Cordis munditia Jesu, Mariae et Joseph est admirabili et summa.*Et nunquam peccati fomes fuerit. ¶ In Christo Domino, in Virgine Maria et Sanctissimo Josepho. Et....

LECTIO II.

Qua de causa denuo scribimus de possibilitate immaculatae conceptionis D. Joseph.

Adversari mihi me voluimus S. Matris Ecclesiae dogmatibus, quum tamen antiquorum sequamur theologorum opiniones de possibilitate immaculatae D. Josephi conceptionis disserentes: quae quidem haud dubie Conceptioni Immaculatae B. V. Mariae aliquo modo comparari potest. Quapropter divino quodam numine suffulsi, nobisque coelitus, ne decipimur, affalgenti, nobis non alias videre licet, nisi complacentiam eius divini Filii tam bonum patrem coli volentis et desiderium divinae ejus Sponsae; quae suum Sanctissimum Virginemque Sponsum Josephum honorare vult, denique,

ad arcenda ab Instituto nostro tam immania, terribilia et angustiora rerum adiuncta; propter ea, inquam, scribere super re tanti momenti iterum instituimus. Commentarium in Cantica Canticorum et priores quatuor articulos Officii D. Josephi mensi Januario respondere, quosque vero nunc calamo percurramus ad coronidem ipsius Officii, quod uniuersique dici respondeat, in lucem edere censuimus, moneadum prius est. Huic domum operae non incumbimus moti tantum quodam inexplicabili affectu erga, B. Josephum, sed ad innumeras gratias, quas ipsum nobis impertiturum speramus, obtinendas in favorem suorum utriusque sexus famulorum; ut, quo mundi, daemonis et carnis nequitia crescunt in dies, eo cuncta nostri Instituti membra firmiora et Dei Ecclesiae sanctiora possint evadere. Sic enim ad maiorem Dei gloriam operari credimus.

Nos hæc sublimia, &c.

R. Deo gratias.

R. Ad te, Domine Joseph, levavi animam meam, in tuo patrocinio confido, ut non erubescam.*fac protector mi, ne irrideant me inimici mei, et universi filii tui, qui in te sperant, non confundantur. ¶ Vias meae vocationis demonstra mihi, ut revera sim unus ex dilectis filiis tuis. Fac protector....

LECTIO III.

Ex summa sacrarum personarum similitudine concluditur immaculata conceptio nostri Josephi.

Immaculata D. Josephi conceptio ita, ut originali labe numquam fuerit coinquinatus, quum perpetuo et animæ et corporis claritate eniteret,

et Jesu ac Mariae tam esset similis, ut illius virginalis pater atque istius dignissimus Sponsus esse meruerit, erui mihi fuisse videtur ex supereminenti etiam similitudine quae inter tres augustissimas terrae Trinitatis personas Jesum, scilicet, Mariam et Josephum interest. Nam, sicuti in coelestis Trinitatis personis, Patre, Filio et Spiritu Sancto summa adest aequalitas; pari etiam modo Jesus, Maria et Joseph debent esse coequales; et quemadmodum Pater est Deus et Filius est Deus et Spiritus Sanctus est Deus; ita et Jesus est Deus et rex regum; Maria vera Dei genitrix, regina et potens coeli et terrae; Joseph vero qui Pater Dei aestimatur; et cui Jesus et Maria, illius servi secundum carnem, tamquam regi supremo obediebant. Potuit igitur S. Joseph plenus gratia concipi; ita tamen, ut quamvis inferiorem dono divinae Sponsae acciperet etiam ad immaculatam suam conceptionem gratiam omnino requisitam.

Nos hæc sublimia mysteria mirantes, et ut finem huic divinae lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis: esto mecum in ultimo agone; et cum pace et vobiscum spiret anima mea.

R. Deo gratias.

R. Universi filii tui, qui sperant in te, non confundentur, Domine Joseph; et vias nostrae sanctae vocationis notas fac nobis.*Ostende, Domine, misericordiam Jesu et salutare tuum da nobis. ¶ Dominus Joseph dabit nobis filiis suis benignitatem suae benedictionis et terra nostri sancti Instituti dabit fructum suum omnibus hominibus. Ostende....

LECTIO I.

—EX PATRIBUS.—

Integram atque inviolatam legem obedientiæ Sanctissimus Joseph ad senectutem usque servaverat.—*Joan Dam.*—Vidisti mentem Josephi, nulla prorsus corruptione violatam?—*Crist.*—Animam Josephi erat in omnibus irreprehensibilem.—*P. Gree.*—In reliqua universa educatione Christi; gaudens obsequium præstitit.—*Iren.*—Tu Joseph, vivens superis par, mira sorte beatior.—*Hym. Ecclesiae.*—Quando Virgo Maria habuit in utero suo Solem Justitiæ, tantus fulgor exhibebat à facie ejus, quod Joseph eam cognoscere non valebat, nec ejus faciem intendere poterat, donec ejus uterus evacuatus fuit.—*Orig.*—Arbitror et Joseph virum Mariæ super genua frequenter Jesum habuisse.—*Ber.*—Joseph autem vir ejus cum esse justus (Justum hic, in omni virtute dicit esse perfectum.)—*Criso.*

Nos hæc sublimia, &c.

℞ Deo gratias.

℞ Ex corpore et carne Joseph natus est Christus Jesus,*Quia Joseph operando virginialiter. † Habebat tanquam proprium corpus Mariæ; et fuit revera ipsius jure matrimoniali, et hac de causa fuit Pater Jesu. Habebat....

LECTIO II.

Aequalitas eadem ideoque immaculata conceptio nostri Josephi ex evangeliiis desumitur.

Mira illa et mystica æqualitas Jesu, Mariæ et

Josephi ab evangelistis Mathæo et Luca praeclare est instituta cum dicerent; Joseph, virum Mariæ de qua natus est Jesus, qui vocatur Christus, Josepho præhabito; tum etiam quum, præposita Maria, ait Lucas. Et invenerunt Mariam et Joseph et Infantem positum in praesepe; modo, Josephum Mariæ anteposendo; Et erat Pater eius et Mater mirantes; modo, describens primo loco Josephum, secundo Jesum et postremo Mariam; Joseph, surge et accipe puerum et Matrem eius. De his demum sermonem instituens S. Lucas ait; quum inducerent puerum Jesum, et alia huiusmodi pene innumera, quæ in sacris literis passim inveniuntur. Potest igitur de ipsius Spiritus Sancti auctoritate hanc veram et summam aequalitatem inter Jesum, Mariam et Josephum non temere sustineri; quæ in eo sita præcipue videtur, quod ab ipsa eius teneritate gratiam quæ aliarum est et fons et origo, quam maximam haberet. Ast, ubi esset summa hæc aequalitas, immo et similitudo, si vir Joseph in peccato fuisset conceptus? Certe non esset; nam Jesus et Maria quum ab originali labe mundi, ipsa essent albedo; Joseph ob eandem maculam, nigrior, quod absit, esset carbone. Confiteamur ergo, Jesum, Mariam et Josephum, augustam terræ Trinitatem efformare. Quemadmodum enim in Maria et Jesu peccati læva unquam fuit, ita et dici posse videtur in infinitum abesse Sanctissimo viro, qui quemdam verumque dominatum regium in Mariam et Jesum quoque induere debebat; talem ergo inter illos se a foeditate peccati liberatum gerere oportebat qualis nitor, nivi gratiæ desuper decurrentis.

Nos hæc sublimia, &c.

R Deo gratias.

R Ecce Dominus S. Joseph veniat filiis suis subsidio ad salvandas gentes et auditam faciet gloriam vocis suæ in lætitia cordis.* Qui regis alumnos tuos, intende et deduc eos ad gloriam sempiternam. ¶ Congregate patri nostro Josepho sancti eius, qui ordinaverunt testamentum eius super sacrificia. Qui regis....

LECTIO III.

Quatuor momenta ex quibus Conceptionem immaculatam D. Josephi esse possibilem concludere posse videtur.

Nunc venimus ad momenta quatuor in mentem cadentia, quæque aliae tot iterum sunt natae rationes ad nobis innuendum relationes divinas, quæ Jesum inter et Mariam et Josephum extitere; quæ nihilominus Sanctissimo Patriarchæ multum decoris attulere, quominus vere conceptum immaculatum fuisse possimus concludere. Primum igitur, quod si Jesum, secundum Deum consideremus, Christus est et Dominus; verus Deus et verus homo; Rex regum et Dominus dominantium; Salvator mundi, omnis principatus et potestatis supremum caput, cui data est omnis potestas et in coelo et in terra; ideoque ex his omnibus superior Mariæ et Josepho. Alterum, quod intendimus acie mentis perpendere, nihil est aliud, nisi quod Jesus carnem mortalem assumens, filius factus est integerrimæ Deiparæ; neque hoc solum, verum et eidem subditus inferiorque factus est; nec enim divinitate remittente hoc ipsum denegavit et officium et ius, sed perfectissime adimplevit, et tam ad unguem illud præstitit, ut de eo vere Lucas Evangelista testatus est; Descen-

ditque Nazareth, et erat subditus illis. Tertium est, Jesum, quantum pertinet ad humanam naturam enutrirî voluisse, Filiumque Virginis Josephi aestimari sub lege, quamobrem, ne inficiandum quidem est, dici posse et debere, excepta tantum generatione naturali, Josephum ita Patrem esse, ut alii mirime Patres aestimari videantur. Antecelluit D. V. Mariam integerrimam castitate Sponsam; antecelluit etiam Filium Jesum, qui talem ipsi præbebat obedientiam, ut hoc loqui modo Lucam cõgisset; Et erat subditus illis. Demum Joseph aliunde vir omni laude et prædicatione decorandus, vir, inquam, Joseph rector fuit Sacrae Familiæ; ipse potens domus divinæ; ipse ad eam apte scienterque regendam missus a Deo; ipsi Dei monita coelicolæ deferebant; ipsemet et Filius et Mater parere ad nutum semper parati erant. Tantus vero vir dono pergrandi donatus qui tantum apud Deum favoris et gratiæ obtinuerat, supremum in Jesum et Mariam officium, munus et auctoritatem agens; numquid ipse potuit Belial et peccato paterno subjectus esse? Quid? Per aegre valde sustinemus, horrendum ne quidem dictum sed et cogitatum ferimus; et malum, quodque quantum poterimus, viribus voceque contendimus illum semper abhorruisse a culpa; ideoque ab omni labe per sanguinem a protoparente traducta longe semper abfuisse, tenendum censemus.

Nos hæc sublimia, &c.

R Deo gratias.

R Gaudete omnes in charitate non ficta, iterum dico gaudete, modestia vestra nota sit omnibus hominibus, quia Dominus vester Joseph prope est.* Nihil solliciti estis sed in omni oratione petitiones

vestrae inotescant apud Patrem vestrum Josephum.
 ¶ Tu, bone Joseph, qui sedes super cherubim, qui
 regis tuum Sanctum Institutum, intendi et veni ut
 salvos facias nos filios tuos dilectos. Nihil....

DIA 3 DE FEBRERO.

LECTIO I.

—EX PATRIBUS.—

In hunc locum, Joseph autem vir ejus cum esset
 Justus, Joseph vocari Justum attendite, propter
 omnium virtutum perfectam possessionem.—*Hier.*
 —Est altera justitia generalis quæ ex cunctis omni-
 no perficitur.—*Christ.*—Quia magnum valde acci-
 piebat, tum Maria, tum Joseph, revelationem ab an-
 gelo, egebat ante tantæ rei qui eventum revelatione
 solemnî.—*Cuist.*—Reverentius dicere Angelus Jo-
 sepho: Vade in Ægyptum.—*Pet. Crisol.*—Angelus
 Josepho mandatur fuga, non profectio, imponitur
 necessitas non voluntas.—*Pet. Crisol.*—Nec un-
 quam Joseph passus est scandalum, nec dixit: con-
 traria omnino sunt facta promissis.—*Chrys.*—Fuge
 Joseph in Ægyptum, et esto ibi usque dum dicam
 tibi, et Joseph nihil opponit.—*Chrys.*—Ut videatur
 Joseph cælum timorem ante tenuisse quam terram.
 Ideoque mandatur fuga non profectio. Eorum refu-
 gium fuget. Formidat fortitudo cunctorum.—*Pet.*
Crisol.

Nos hæc sublimia, &c.

R Deo gratias.

R Et fuit revera noster divinus Joseph Pater vir-
 ginalis Jesu.*Et Pater Jesu reputatione et Pater
 curatione. ¶ Et Pater generatione non quidem sua,

sed Mariæ uxoris suæ, cooperante Spiritu Sancto; et
 non virile semine, sed mystico spiramine. Et.

LECTIO II.

D. Joseph, caput Sacrae Familiae.

Jesus etiam quoad hominem erat auctor et confe-
 rens gratiam; quocirca eo suæ Matri communicavit,
 quo fas erat communicare, ut solummodo inferior ea
 esset, in eo quod, Humanitati sacræ concessa fuerat ad
 uniendum hypostatice Verbo Divino. Eam quoque
 fuisse D. Josepho largiendam, nemo non videt, tam
 copiose et superabundanter, ut selectum inter alios
 homines, virum Matris suæ, suumque virginem et
 verum Patrem condecebat. Num vero caput Sacrae
 Familiae qui regebat et gubernabat eam à conceptu
 sui potuit gratia carere? Sed, si iuxta Paulum Apo-
 stolum vir est caput foeminæ suæ, Joseph proinde
 erat caput Virginis Mariæ et qua talis erat ipse et
 non alius, qui de cœlestibus jussis certior fiebat
 ab angelis. Ast oportuisse Honorificentiam populi
 nostri, decus humanæ naturæ, et quod cœlos inferos
 que terret, ipsummet tenerrimum Emmanuelem
 homini nequam et originali labe foedato subjici?
 Num ne? Quæ quum ita omnia se habeat et D. Jo-
 seph (quod centies prædicare maxime iuvat) prin-
 ceptus istius almæ Trinitatis terræ, esset, admodum ve-
 ritati conformius dicendum est, quod quamvis Jesus
 esset, auctor gratiæ, cuius plenitudine Maria fuit
 donata, Josepho concessum est fontem Jesseam irri-
 gare. Quum vero in multitudine donorum Dei, in
 eo situm sit, quod optimum locum habet, ut esset
 immaculatus ab alvo materna; sane hoc illi tribuen-
 dum est. Hoc ipsum enim exposcebat non solum
 vocatio ad tam alta et divina officia, quæ omnia exa-

ctissime exiget; sed bonitas quodammodo, veritas, studium et modus, quo alios homines superavit. Et divinus iste Joseph tam unus, tam, unicus tamque sublimatus et ita omni gratiarum genere plenus, ut principatum obtineret istius sacrae domus; iste, in quam, potuit conceptionis immaculatae carere domo? Ita nequisse facere Deum, apud quem non est impossibile omne verbum, sempiternae credemus.

Nos hæc sublimia, &c.

R Deo gratias.

R Rorate coeli desuper, et nubes pluant potentissimam protectionem Sancti Patris nostri Josephi; ut aperiatur terra et germinet salvationem nostram * Coeli enarrant gloriam Patris Jesu et opera manuum eius annuntiat universa terra. ¶ Quis ascendet in montem nostri sancti Instituti? aut quis stabit in loco sancto eius? Innocens manibus et mundo corde. Coeli enarrant....

LECTIO III.

Magna fiducia in Josepho.

Quum Sanctissimus Patriarcha sit Sponsus dignissimus B. V. Mariæ, est meritissimus Pater Jesu. Ad eum igitur accurramus iustissimum virum, simillimumque Dei Genitrici Mariæ; ad eum, qui successus semper zelo animarum salutis, salvos fecit et ethnicos, eos in fidem Jesu Christi adsciscendo; ad præclarissimum Magistrum concionatorum omnium evangelicorum; exemplar animarum contemplationi deditarum; typum omnibus imitandum, qui vitam mundi vicissitudinibus degunt obnoxiam, et cuiusque status modique viventibus. Confugiamus ad Josephum qui, corde ardentissimis flammis consumptus, intelligentia clarus et simplicitate decorus, adeo fru-

ebatur deliciis visionis beatificæ, ut de eo dicere possimus, quod Mathæus habet; Semper vidit faciem Patris, qui in coelis est. Devenianus denique ad Virum extra modum privilegio donatum, cuius erat tum esse cum Jesu, tum Jesu deservire. Quis ergo ut Joseph? Joseph suam domum Jesu parat; illi præbet adytum et non modo hospitium sed et manens habitaculum, vestes Jesu modo procurat, ipsi esurienti ministrat ad victum necessaria: Joseph de uno in alium locum transferet Jesum super humeros impositum; Joseph illi somnos inire suadet; Joseph gestat Jesum in Ægyptum confugientem, ac in melius recipientem; cum illo redit Nazareth; illum singulis annis fert Jerusalem, et amissum invenit in templo. Quibus omnibus mente perpensis Josephum eo tandem cognoscamus suæ Sponsæ persimilem fuisse, quo sine labe originali fuisset conceptus. Eum igitur quoad fieri poterit comitem, socium et consortem illarum personarum ita faciamus ut cum catholica Ecclesia una voce canamus; Jesu, Maria et Joseph, vobis ad ultimum agonem commendo cor et animam meam; estote mi in protectores, et fiat per vos ut magno cum gaudio vobis reddam spiraculum ultimum.

Nos hæc sublimia, &c.

R Deo gratias.

R Prope est Dominus Joseph omnibus filiis et filiabus suis invocantibus eum; quia omnes invocant eum in veritate.*ita, ut laudem Domini Josephi loquatur os eorum. ¶ Confortamini et iam nolite timere; ecce enim S. Joseph retribuit iudicium quia ipse venit, et salvos nos faciet. Ita ut....

LECTIO I.

—EX PATRIBUS.—

Illi, exulum more fugiunt.—*Chry.*—Completiſſe ſeptem annis quibus Joſeph cum Jeſu peregrinatus eſt in Ægypto.—*Bon.*—O quod et quantae fiunt injuriae advenis quas Dominus vitare non venit, ſed accipere!—*Bon.*—Ingredietur Joſeph cum Jeſu in Ægyptum, et commovebuntur ſimulacra Ægypti a facie ejus.—*Hier.*—Joſeph cum Jeſu fugit in Ægyptum, ut fugiant de Ægypto qui ibi ſunt dæmones.—*Orig.*—Descendens in Ægyptum omnem illam regionem ſuo ſanctificavit ingreſſu.—*Chry.*—Perfectam fecit obedientiam Joſeph non tantum quod præcepit Angelus, ſed etiam ſicut præcepit.—*Ans.*—Adhuc in lege vivens, ſupra legem philoſophatur; oſtendens ſe ſuperiorem lege, etiam ſupra legalia mandata viventem.—*Theof.*—Vidiſti virum ſublimiter philoſophantem, et tyranicæ illius affectionis immunem.—*Chrys.*—Occulte eam dimittit, ut eam diſmiſſam non videatur diſmiſſiſſe.—*Anſel.*

Nos hæc ſublimia, &c.

R Deo gratias.

R Natus eſt igitur Jeſus in terra ſeu fundo ipſius Joſeph, *De qua clamat Iſaias ¶ Rorate cœli deſuper, et nubes pluant Juſtum, aperiatur terra et germinet Salvatorem. De....

LECTIO II.

Hortatur devotio ad S. Joſephum.

Magno cum gaudio et iubilatione recordamur efficaciffimæ commendationis quorundam ſummorum

Pontificum ad ubique glorioſiſſimi Patriarchæ devotionem evulgandam; ut quemadmodum cuſtos Filii Dei fuit in terris, ita deſuper in cœlis protector catholicæ Eccleſiæ tam dire afflictæ eſſe dignetur. Societas S. Joſeph obſequens interea vocibus et deſideriis Vicariorum Chriſti non aliud cupit niſi aſſiduè vacare orationibus ipſius patrocinium invocando. Quid nobis S. Joſeph non impetrabit? Quomodo illi Jeſus obediret in terris, quid verendum ne quod in cœlis petat illi denegetur? Ascendamus ergo ad Jeſum per Joſephum, qui ita benignus in nos ſe geſſerit, ut bonitate ſua patrocinari meruerit hanc univerſalem Eccleſiam, quæ proprium officium iam ab iſtius incunabulis in ſpelunca Bethlehem adimplebat. Veniamus ergo magna freti confidentia et toto corde dicamus; ad te, Joſeph, univerſalis Eccleſiæ protector; ad te ſpes dulciſſima Romanorum Pontificum; ad te ſupplices cuncti Chriſti fideles oramus, gemitibus moti Paſtorum, qui ab opprobrioso carcere Vaticanæ piis inſtantibusque Encyclicis tuum invocant Patrocinium; et quemadmodum Eccleſiæ conditorem ſalvaſti; ita hanc terræ militiam defende, et te duce mereatur ferre victoriam, lætantibus cœlo et terra, tremore et rabie commotis abyſſis. Ah! tanta hujus Eccleſiæ fiducia in D. Joſephum ut ipſe nos omnes ſalvos faciat, eo nos de illius validitate certiores facit, quo docet ad conceptionem eius immaculatam quodammodo coniiciendam.

Nos hæc ſublimia, &c.

R Deo gratias.

R Ab initio cognovi per teſtimonia tua, bone Joſeph, meam ſanctam vocationem quia tu bonus eſ; *Beati immaculati in via, qui ambulant in lege Do-

mini Josephi. ¶ Domine Joseph, tu convertens vivificabis nos filios tuos; et plebs filiorum tuorum laetabitur in tua sancta protectione, et erit in die illa lux magna ad conversionem peccatorum, Beati immaculati....

LECTIO III.

Ex factis Leonis Papae XIII.

Hic sumus Pontifex ita decimo octavo kalendas Septembris millesimi octingentesimi octogesimi noni anni dixerat; Sed Nos aliud consilium habemus, quod, ut suos vester est secundi accipietis ad id quod Deus se exhibeat propitiorem nostris supplicationibus et multis intercessoribus citius et abundantius super suam Sanctam Ecclesiam eius auxilium superveniat. Optimum existimamus quod consuescant fideles magna pietate et fide non solum Deiparam Virginem, sed beatissimum eius Sponsum D. Josephum, auxilium impetrare quod ipsa Virgine spectatum et desideratum fore, existimamus. Et quum de hac devotione palam nunc primum sermonem habemus, non solum certo certius ad eam scimus pronum esse populum fidelem, sed eam et in uso habentem magnum profectum obtinuisse. Vidimus equidem cultum S. Josephi, quem sæculis præteritis augere et propagare Romani Pontifices conati fuerunt, in hoc ævi nostri extendi et crescere in dies, postquam præcipue Sanctissimum hunc Patriarcham, innumeris Episcopis petentibus catholicae Ecclesiae Pius Papa Nonus, Praedecesor noster (felicitis memoriae.) Patronum declaravit. Et, quum tantum intersit ut cultum S. Josephi in moribus, catholicisque institutionibus firmetur, volumus populum christianum prae ceteris ad eam verbis et auctoritate nostra induci videri.

His verbis addimus, quod tanti Pontificis sententiae circa S. Josephum ita permultae sunt et clariores, ut plane demonstrent ut Patriarcham optimum adeo locum occupare, ut ad nostrum modum concipiendi de eo dici possit sine macula originali fuisse conceptum.

Nos hæc sublimia, &c.

R. Deo gratias.

R. Veni, Domine Joseph, et ostende filiis tuis faciem tuam et salvi erimus.* A summo coelo sit egressio tua et terra nostri sancti Instituti enarrabit gloriam tuam, et opera manuum tuarum annuntiabit existentia nostra. ¶ Benedicant te omnes filii tui in sæcula sæculorum. A summo coelo....

DIA 5 DE FEBRERO.

LECTIO I.

—EX PATRIBUS.—

Dicimus non properasse facere, quod erat legitimum; sed patientia supra legis modum perfecta sustinuisse, quod dubitatio salvaretur.—*Patr. Grec.*—Hæc voluntas Josephi etiam justitiæ deputatur.—*Aug.*—Merito mox occurrit Angelus, merito responsum subvenit mox divinum, cum humano deficiente consilio, justitia non deficit.—*P. Crisol.*—Joseph filii David, non tantum secundum carnem, sed etiam secundum spiritum.—*Orig.*—Blandientis affectu ei per somnium Angelus loquitur ut justitiam silentii comprobaret.—*Hier.*—Non jam solum unde timere desinat Angelus Josepho suggerit, sed etiam unde gaudeat et exaltet perpetuo.—*Chrys.*—Secundum intellectum in agonia fuit Joseph.—*Orig.*—Manife-

sta signa conceptus gravissimum suspitionis dolorem ingesserunt.—*Orig.*—Dixit Deo totum, quia quod homini diceret non habebat.—*P. Crisol.*

Nos hæc sublimia, &c.

R Deo gratias.

R Fuit ergo hæc procreatio pueri Jesu in te Maria, *De consensu vero viri tui Joseph. ¶ Fuit itaque Dominus Joseph in sensu dicto, virginalis ejus Pater. De....

LECTIO II.

Ex factis Leonis Papæ XIII.

Præcipuæ rationes et causæ, quibus S. Joseph Ecclesiæ Patronus, nuncupatur, atque hæc ipsa maxime in eius patrocinium confidit, in eo certo sitæ sunt, quod fuerit Sponsus Mariæ et Pater æstimativus Christi. Tanta quidem erat dignitas Mariæ, ut ea nihil possit creari superius. Attamen, quum junctam sibi connubio B. V. Mariam haberet, Joseph minime dubitandum est præ aliis hanc dignitatem habuisse, qua Deigenitrix omnibus creaturis supereminet. Aliunde, quum Deus Virginem daret Josepho in Sponsam, ipse vel etiam non solum in totius vitæ consortem, virginitatis custodem, decoris testem ei datus est, sed et vi conventionis coniugalis sublimis Mariæ dignitatis particeps est factus. Præterea addamus participationem illam non ad aliud ante omnia referre videri, nisi ad gratiam quam præcipue invenire in Josepho Sponso suo Virgo desideraverit. O, si in hoc ita studiose incumbere, ut per se res exigit, omnes devotissimi S. Josephi! Sic de dogmate in dogma illud resurgeret intemeratæ conceptionis.

Nos hæc sublimia, &c.

R Deo gratias.

R Laudem Domini Josephi loquetur os meum, et benedicet omnis caro nomen sanctum eius. *Potentissime Joseph, veni in occursum nostri sancti Instituti; veni, et nos tardare; veni, et relaxa facinora plebi tuæ. ¶ Ecce Maria Sponsa tua cum privilegio virginatis concipiet de Spiritu Sancto, et pariet Filium et vocabitur nomen eius Emmanuel. Potentissime Joseph....

LECTIO III.

Ex factis Leonis Papæ XIII.

D. Joseph splendet splendore dignitatis supremæ, fuit namque voluntate divina protector Filii Dei, cuius patrem omnes omnino noverunt. Inde fit, quod Verbum humiliter Josepho subiectum fuisset, obedientiam præstiterit, omniaque illa officia adimpleverit quæ Filii habent erga parentes. Ex hac duplici dignitate defluunt officia omnia, quæ parentibus a natura sunt imposita, ita, ut Patriarcha iste Sanctissimus fuerit et custos et minister, et ubi Paterfamilias incidebat, ibi et legitimus defensor. Quibus muneribus per totum mortalis vitæ curriculum, magno studio et continuo sese amoris ac sollicitudinis dedit Matrem puerumque tuendi, eis quæque ad victum et vestitum necessarium erat acquirendi; à morte Infantem liberavit, insidiis minitatum invidiæ regiae, eum singillatim subripiens in tutum locum reposuit; et in aerumnis itineris et moeroribus exilii comes semper, sustentatio et auxilium fuit Mariæ et Jesu. Hic numquam, homo splendens altioris meriti dignitate per dispensationem divinam, atque ipsamet dispensatio nobis proponeret hominem nequam foeditissimumque erimine Adæ? Quodcirca, manentibus ceteris

omnibus maculatis, Josephum exclusum fuisse forteque propter reverentiam et pietatem sine peccati labe conceptum, existimamus.

Nos hæc sublimia, &c.

R Deo gratias.

R Ave, Joseph, gratia plene, et fortitudine, Dominus Jesus Filius tuus est tecum; *Benedictus tu es in omnibus hominibus, et benedictus fructus Sponsae tuae Mariae. ¶ Ecce Maria Sponsa tua concipiet de Spiritu Sancto et pariet Filium et vocabitur nomen eius Emmanuel. Benedictus....

DIA 6 DE FEBRERO.

LECTIO I.

—EX PATRIBUS.—

Secum ipse Joseph cogitationum suorum fluctibus æstuando, ab ipsa etiam Virgine studuit abscondere tanti causam doloris—*Chrys.*—Dominicum pignus sic suo servavit in pectore, ut illud tota corporis externa nescirent.—*Pet Crisol.*—Virum Mariæ, Vir ejus humanus erat, expersque Passionis.—*Pat Grec.*—Per humilitatem Joseph dicitur fugisse Jesum Filium suum.—*Crist.*—Accipe in hoc non meam sed Patrum sententiam. Propter hoc Joseph voluit dimittere Virginem, propter quod Petrus Dominum a se repellat dicens: exi a me Domine.—*Bern.*—Ubique in Joseph Justi gratia et persona servatur.—*Amb.*—Beatissimus Joseph fuit solus in terris magni concilii coadjutorem fidelissimum.—*Ber.*—Beatissimus Joseph fuit revera homo virtutis.—*Ber.*—Joseph autem vir ejus cum esset justus in Verbo, justus in facto, justus in lege, justus in judicio gratiae.—*Orig.*

Nos hæc sublimia, &c.

R Deo gratias.

R In originali nativitate et filiatione Jesu, dum in animo nascitur *Verissimum est etiam dicere. ¶ Quod tam ex Maria, quam ex Josepho natus est Jesus in suo corde.—Verissimum.

LECTIO II.

Ex factis Leonis Papæ XIII.

Quæ domus Nazareth a Josepho scite dirigebatur cœlestis Patris auctoritate exordia ferebat nascentis Ecclesiæ. Nam quemadmodum Maria est Mater Domini Nostri Jesuchristi, eodem modo est omnium Christi fidelium, quos juxta crucem in Golgotha inter cruciatus acerbissimos peperit; ita, ut Redemptor sit quasi primogenitus inter Christianos, qui eius sunt fratres per adoptionem et redemptionem. Quo fit, ut vi harum omnium rationum sibi maxime creditas videat turbas, ex quibus tota Ecclesia coalescit; hanc, nempe, familiam per totum orbem terrarum multiplicatam, super quam ipse sponsus Mariæ, parens legalis Christi paternam exercet auctoritatem. Unde sequitur consentaneum propriumque est, quod quum olim domus Nazareth sancta pervigilique protectione necessitatibus subveniebat; nunc etiam cœlitus Christi, protegat Ecclesiam. Si autem talis est Joseph apud Deum et, apud homines, cur illum Ecclesia non venerat sine labe conceptum?

Nos hæc sublimia, &c.

R Deo gratias.

R Respiciens de longe, ecce video potentiam domini nostri Josephi venientem, en nebula totam terram tegentem; *Quia datum est ei regnum et honor,